

Ad 1. *Negative.*

63. Utrum permittendum sit tradi Ostensorium à Magistro caeremoniarum in manus Canonici impertituri benedictionem cum SSmo. Sacramento?

Ad 3. *Negative. Ita decrevit S. C. R. Die 24 Septembris 1788.*

64. An Feria VI. in Parasceve, Episcopo non celebraturo, procedendo ad Crucis adorationem, et osculum, Canonici assistentes debeant ipsum comitari usque ad initium tapetis, ibique sistere, donec solus Crucis ac adorationem, osculumque procedat; seu potius tum in genuflexionibus, tum etiam in ipso osculi actu eundem associare teneantur, ibique expectare quousque idem Crucis adorationem, et osculum compleverit?

Ad 1. *Negative quoad primam partem Affirmative quoad secundam. Ita decrevit, S. C. R. Die 24 Septembris 1788.*

65. Cum in Hispania ex Apostolica concessione celebretur Festum S. Juliani Episcopi Conchensis ritu dupl. secundae classis cum Octava in die ejus emortuali 28 Januarii, et juxta Rubricas Breviarii in eadem diem transferendum sit tamquam in sedem propriam Officium SSmi, Nominis Jesu, quoties occurrit in Dominica Septuagesimae, quaeritur eo casu: utrum ex dic-

tis Festis celebrandum sit in die 28 Januarii, et quomodo alterum sit transferendum?

Ad 1. *Celebrandum esse Officium S. Juliani, et Officium SSmi. Nominis Jesu reponendum esse ab Episcopo in aliam diem infra eandem Octavam; translato quocumque alio Festo, nisi sit altioris ritus.*

66. Si transferendum sit Officium Patrocinii B. M. V. quaeritur: Utrum simul transferatur plenaria Indulgentia concessa Fidelibus, qui Missae conventuali Festi Patrocinii interesunt: an vero eam lucrari possint qui interesunt in ipsa Dominica secunda Missae conventuali S. Severi?

Ad 6. *Affirmative ad primam partem, Negative ad secundam. Et ita declaravit, et servari mandavit. S. R. C. Die 11 Septembris 1790.*

Cum S. R. C. die 28. Martii 1775. Patribus Ordinis Reformatorum S. Francisci Provinciae Bahien. in Brasilia benigne indulserit, ut in eorum Ecclesiis celebrari possit Missa sollemnis festiva cum cantu immaculae Conceptionis B. M. V. singulis sabbatis non impeditis festo duplici, primae, vel secundae classis, Vigiliis, atque Octavis privilegiatis; iidem Religiosi S. R. C. humillime supplicarunt, ut in.

frascripta Dubia definire dignaretur, nempe.

67. An in tali Missa votiva solemniter tres Orationes, vel una tantum cum *Credo* dici debeat?

Ad 1. *Affirmative ad primam partem, juxta modum, scilicet, in Feriis simplicibus, et semiduplicibus tres dicendas esse Orationes: in duplicibus duas, semperque Hymnum Angelicum ratione Sabbati; ad secundam partem Negative.*

68. An in Sabbatis, in quibus occurrit B. Mariae Virginis quaevis Festivitas, aut infra Octavam ejusdem celebrari debeat Missa ejusdemmet Festivitatis, aut votiva, vel non votiva, an vero semper Missa *Egredimini &c.*, ut in Brevi assignatur?

Ad 2. *Affirmative ad primam partem, nempe celebrandam Missam Festivitatis, aut de infra Octavam, tanquam non votivam, si de eadem Octava recitetur Officium; si vero recitetur Officium alterius Festi, celebrandam esse pariter Missam de infra Octavam, sed more votivo; Negative ad secundam partem. Et ita declaravit, et servari mandavit. S. C. R. Die 26 Januarii 1793.*

69. An Octavae i choatae ante Festum Corporis Christi, eo adveniente, penitus terminari debeant in Hispania, attento pri-

vilegio istius Octavae, sicuti cessant cum supervenerit Festum Pentecostes, et à die 17. Decembris usque ad Epiphaniam?

Ad 6. *Negative.*

70. An iis in locis, ubi una tantum celebratur Missa diebus Dominicis, et festivis per annum [non tamen solemnioribus] dum aliquis mane sepelitur, et Missa dicitur ante sepulturam, corpore praesente, debeat haec Missa dici de Requiem, ut in die obitus, vel potius tanquam Missa conventualis, cui populus assistit, debeat cantari de die, et Missa de Requiem transferri ad primam diem non impeditam?

Ad 7. *Negative ad primam partem, Affirmative ad secundam.*

71. An, concurrentibus Festis Patrocinii S. Joseph, et apparitionis S. Jacobi, quae pro Hispania sunt duplicia minora, cum aliis festis primariis ejusdem ritus, licet inferioris dignitatis, Vesperae integrae sint persolvendae de Festis secundariis cum commemoratione antecedentis, aut subsequents Festi, vel potius in hoc casu, cum de Festis secundariis agitur, Vesperae debeant, dimidiari, nullo habito respectu ad majorem dignitatem, utpote non attendendam, nisi in Festis primariis?

Ad 19. *Quoad Festum Patrocinii S. Jo-*

seph Affirmative ad primam partem Negative ad secundam. Quo vero ad Festum Apparitionis S. Jacobi, Negative ad primam partem Affirmative ad secundam. Atque ita decrevit ac servari mandavit. S. R. C. Die 26 Januarii 1793.

72. An in Vigilia Epiphaniae, quando occurrit in Feria secunda, cantari liceat Missa defunctorum, quae, juxta Ordinis statuta cantari debeat in Fernis secundis à Festo duplici non impeditis?

Ad 16. *Negative.*

73. An in Missa Votiva cantata sine gravi causa omitti debeat commemoratio Festi occurrentis, uti omnino omittitur Missa Conventualis quia non debetur, sicuti ejusdem commemoratio omitti debet ubi cantatur, aut saltem legitur Missa Conventualis Festi occurrentis?

Ad 17. *Negative, nempe in iis Ecclesiis, quae non tenentur ad Missam conventualem, faciendam esse in Missis votivis solemnibus sine gravi causa commemoracionem Festi occurrentis. In aliis vero, nunquam omittendum esse Missam conventualem de die. Ita decrevit S. R. C. Die 2 Maii 1801.*

74. An in Ecclesiis, in quibus expositionem manet SSimum. Eucharistiae Sacra-

mentum Fidelium adorationi, in turno perpetuae orationis, quae dicitur quadraginta horarum, occurrente die commemorationis omnium Fidelium defunctorum, liceat recitare Officium defunctorum, et celebrare Missam solemnem, et etiam Missas privatas itidem defunctorum?

Ad 1. *Affirmative.*

75. An adhiberi debeant paramenta coloris violacei potius, quam coloris nigri?

Ad 2. *Arbitrio superioris localis. Ita decrevit. S. R. C. Die 16 Septembris 1801.*

76. In una Ordinis Carmelitarum Excalceatorum Hispaniae 16 Februarii 1781. ad dub. I. [n. 45.] decretum fuit, in die S. Marci, et Rogationum, si occurrant Festa primae, vel secundae classis, canendas esse duas Missas: Quae ritur; num etiam nos qui ad Conventualem cantandam non tener, huic Decreto subijci teneamur, cum communiter in praxi non sit apud Regulares, etsi Orator in anno elapso opposuerit?

Ad 4. *Servandum esse Decretum diei 16 Februarii 1781. in una Ordinis Carmelitarum excalceatorum in Hispania ad 1. Ita decrevit S. R. C. Die 16 Septembris 1801.*

77. An quando, Festum Annunciationis B. M. V., juxta Decreta transfertur in Feriam 2, post Dominicam in Albis, tamquam

in diem propriam, celebrari debeat cum Octava in illis Ecclesiis, ubi Annunciatio est Titularis, si transferatur tantum quoad Chorum: An vero celebrari debeat cum praedicta Octava solum, quando transferatur simul quoad Chorum, et Forum?

Ad 1. *Negative ad primam partem, excepto casu, quo translatio fiat infra octavam; Affirmative ad secundam.*

78. An Regularis transiens ab uno ad alium Conventum, parte anni jan transacta, sive ad tempus, sive perpetuo ibi moraturus, durante ipso anno, debeat in recitatione privata Officii Divini extra Chorum, se conformare Calendario Conventus, á quo discessit, an potius illius, in quo actualiter habitat, si propter Festa Diocesana, differant multoties Calendaria tam in festis occurrentibus, quam in translatis?

Ad 7, *Regulares in privata Officii recitatione extra Chorum se conformantes Calendariis Conventuum, in quibus actualiter morantur, satisfaciunt oneri recitationis Horarum Canonicarum. Ita decrevit S. C. R. Die 14 Maii 1803.*

79. An Rubrica posita in Breviario videlicet=Sequens Responsorium [haec est vera Fraternitas] dicitur post VIII., aut

II. Lectionem in Festo plurimorum Martyrum Fratrum=intelligenda sit nedum de Fratribus secundum carnem, sed etiam de ipsis secundum Institutum Ordinis Regularis?

Ad 5. *Negative.*

80. Cum Decreto 26 Januarii 1793. [n. 71.] Festo duplici Patrocinii S. Joseph concurrenti cum altero Festo ejusdem ritus debeantur integrae Vesperae: an eidem Festo Patrocinii, ubi celebratur ritu dup, secundae class. concurrenti cum Sanctis Apostolis Philippo, et Jacobo, debeantur etiam integrae Vesperae, vel potius integrae debeant persolvi de Sanctis Apostolis?

Ad 7. *Vesperas integras deberi Apostolis, et Evangelistis, juxta declarationis S. C. alias pro hujusmodi concurrentia emanatas. Et ita declaravit, ac servari mandavit. S. R. C. Die 13 Martii 1804.*

81. An Sacerdos caecutiens, ex Indulto Apostolico celebrare valens Missam votivam B. M. V. teneatur in ejusdem celebrationi indui paramenti coloris praecise albi?

Ad 1. *Affirmative.*

82. An debeat in eadem Missa privata recitare Orationem Officii illius diei, Spiritus Sancti, et omittere Gloria in excelsis

Deo, et Credo, juxta Rubricas?

Ad 2. *Negative quoad obligationem legendi Orationem Officii currentis, in reliquis, Affirmative*

83. An talis Sacerdos cum devenerit ad omnimodam caecitatem possit licite perseverare in celebratione Missae?

Ad 3. *Negative donec novum impetretur à S. C. Concilii Indultum.*

84. An conditiones appositae in hujusmodi privilegiis sint merae ritualitatis, et styli, vel obligatoriae in conscientia?

Ad 4. *Negative ad primam partem Affirmative ad secundam. Ita decrevit, S. C. R. Die 16 Martii 1805.*

85. An liceat in Sabbato Sancto inter Missarum solemnia Sacram Eucharistiam Fidelibus distribuere, et num per eadem sumptum nem sacrae Communionis praeceptum Paschale adimpleatur?

Affirmative in utroque. Ita decrevit S. C. R. Die 22 Martii 1806.

Sanctissimus Dominus Noster PIUS VII. Pont. Max ad humillimas preces Patris Fr. Josephi Alberola Procuratoris Generalis Ordinis Minorum Observantium Sancti Francisci, referente R. P. D. Hieronymo Napulionio Fidei Promotore, benigne indulisit

et in posterum in universo Ordine Minorum Observantium et Reformatorum Sancti Francisci in Praefatione Missae de Conceptione B. M. V. addi possit verbum: *immaculata*, scilicet: **ET TE IN CONCEPTIONE IMMACULATA Beatæ Mariae, &c.** quibuscumque in contrarium disponentibus minime obstantibus. Die 17 Maji 1806. [†]

86. Quo in sensu intelligenda sit Rubrica Breviarii de translatione Festorum num. 6, in qua legitur: Si omnia [Festa] fuerint duplicia, fiat de digniori, seu solemniori, et quae de minori solemnitate sunt, transferantur: et *ibidem* num. 7. Inter plura duplicia, quod est magis solemne semper prius transferatur, et prius celebretur?

Ad 15. *Rubricam intelligendam esse de solemniori quoad ritum, et dignitatem, non quoad extrinsecam solemnitatem, quae in ordini translationis non est attendenda.*

87. Passim concedi solet à S. C. Emorum, et Rmorum. Cardinalium S. Concilii Tridentini interpretum quibusdam Sacerdotibus

[†] *Esta gracia se ha concedido el año de 1841, para toda la cristiandad por el Sr. Gregorio XVI. Q. D. G.*

tenuitate visus laborantibus privilegium recitandi Missam votivam B. M. V. in Festis, et duplicibus; diebus vero ferialibus Missam defunctorum. Quæritur ergo *primum*: An per Fesia duplicia intelligendæ veniant etiam Dominicæ privilegiatæ, et Festa majora primæ, vel secundæ classis? *Secundo*: An Sacerdos ita privilegiatus se conformare possit quoad colorem, Orationum numerum, *Gloria*, et *Credo*, colori, et ritui Ecclesiæ, in qua celebret, vel dicere debeat votivam Missam ipsi concessam ritu, et colore propriis ejusdem Missæ? *Tertio*: An in casu dicere debeat secundam orationem de Festo diei juxta Rubricas, vel semper de Spiritu Sancto cum tertia Ecclesiæ, vel pro Papa, ex eo quod tenuitas visus nec illam Orationem propriam, et quolibet die diversam illi legere permittat? *Quarto*: An semper in Dominicis dicere debeat *Credo*? *Quinto*: An per ferialia intelligantur etiam Fesiæ majores, et Vigiliæ privilegiatæ ex. gr. Nativitatis Domini, et Pentecostes? *Sexto*: An prædictus Sacerdos in die commemorationis omnium fidelium defunctorum possit tres illas Missas celebrare, ut quotidianis defunctorum, vel illas legere debeat, juxta ordinem in Rubricis præscriptum?

Ad 5. In casu proposito; *Primo* per Festa duplicia intelligi etiam Dominicæ privilegiatæ, et Festa primæ, et secundæ classis. *Secundo*; 6 Sacerdoti privilegiato adhibendum esse colorem convenientem Missæ votivæ, quæ erit sine Gloria, et sine Credo. *Tertio* dicendam esse secundam orationem de Spiritu Sancto, cum tertia pro Ecclesia, vel pro Papa. *Quarto* etiam in Dominicis omittendum Symbolum. *Quinto* in Feriis majoribus, et Vigiliis privilegiatis, in quibus prohibentur Missæ privatæ defunctorum, dicendam esse Missam votivam de S. Maria. *Sexto*. Sacerdotem privilegiatum posse in die Commemorationis omnium Fidelium defunctorum, ubi adest Indultum, tres Missas recitare, ut in quotidianis.

88. Quando Festum Purificationis B. M. V. occurrit in Dominica Septuagesimæ, vel Sexagesimæ apud Dominicanos non transfertur, ex quo accidit, ut Moniales S. Domini jurisdictioni Ordinarii subjectæ, et Breviario sui Ordinis utentes de præfato Festo in Choro recitante, Missamque officiantes cantaturæ ex statuto, consuetudine, vel devotione antiqua illam de B. Virginis Purificatione absolvere debeant. Quæritur ergo: An Cappellani sæculares ipsarum O-

fificium de Dominica persolventes, juxta Rubricas Breviarii Romani, quo utuntur, conformare debeant quoad Missam in his, vel similibus circumstantiis cum Officio Monialium, illam celebrando de praedicto Festo B. M. V., ut Officium Chori omnino expleatur?

89. An idem dicendum sit in his omnibus casibus, in quibus Moniales Missam proprio Officio convenientem in Choro ex statuto, consuetudine, vel antiqua devotione cantent, salvis remanentibus tantum quoad reliquos casus decretis hujus Sac. Congregationis, in quibus hujusmodi conformitas in facultate, et arbitrio Cappellanorum relinquitur?

Ad 12. et 13. *Serventur S. C. Decreta et Cappellanos saeculares, qui celebrare debent in Ecclesiis Monialium quoad Missam solemnem teneri, dummodo celebrent cum Missali Romano.*

90. An Festum semiduplex S. Thomae Cantauriensis, occurrens in Dominica infra Octavam Nativitatis Domini, transferendum sit in Vigiliam Epiphaniae juxta antiquum Gregorii XV. privilegium, vel potius debeat simplificari juxta regulam hodie in Ecclesia universali vigentem?

Ad 2. *Nihil innovandum, et servandum.*

esse privilegium iudultum à Gregorio XV. in constitutione=Pastoralis officii cura. Ita decrevit S. C. R. Die 20 Septembris 1806.

91. An dici possit Missa de requiem, corpore praesente, diebus primae class. cum multo apparatu, et pompa exteriore celebratis, licet non festivis de praecepto; et quatenus festivi sint de praecepto: An praedicta Missa dici possit in aliis Ecclesiis, quae talem non habent exteriorem solemnitatem?

Ad 1. *Affirmative ad primam partem, dummodo non sit Titularis; et ad secundam partem Affirmative.*

92. An praedicta sollemnis cantari possit, praesente catavere, diebus secundae class. celebratis tamen simili solemnitate, et apparatu, quo Festa primae classis celebrantur, ut evenit in Ecclesia Compostellana diebus Apparitionis S. Jacobi 23 Maii, Translationis ejus Corporis 30. Decembris. et aliis Festivitatibus B. M. V., quamvis sint, necne de praecepto?

Ad 2. *Affirmative.*

93. Utrum in duplicibus saecundae class. locum habeat Oratio S. simplicis, cujus ad Laudes fit commemoratio, in omnibus Missis cantatis cum Sacris Ministris, vel sine ipsis, aut omittenda solummodo sit in solem-

ni Missa conventuali?

Ad 4. *In Missa quocumque modo cantata de Festo duplici secundae classis omititur commemoratio simplicis, quae, juxta Rubricam, fit in Missis privatis tantum.*

94. In ingressu Sacerdotis ad Altare, super quo non sit SSmm. Sacramentum expositum, aut in Ciborio asservatum, et in principio Missae debet Sacerdos facere profundam corporis reverentiam, aut capitis tantum?

Ad 5. *Tam in ingressu Sacerdotis ad Altare, quam ante principium Missae reverentia Sacerdotis debet esse profunda capitis, et corporis inclinatio, juxta Rubricam.*

95. In Hispania die 25. Julii celebratur Officium dupl. I. class. S. Jacobi Patroni totius Regni. Quaeritur: An in Ecclesiis particularibus, occurrente eodem die festo Patroni earumdem Ecclesiarum, debeat fieri Officium S. Jacobi Apostoli Patroni totius Regni, translato Festo Patroni particularis earumdem Ecclesiarum, aut recitare Officium praedicti particularis Patroni, translato Officio S. Jacobi Apostoli?

Ad 6. *Attenta excellentia majoris dignitatis, juxta Rubricas. S. C. R. Decreta, Officium S. Jacobi Apostoli Patroni Hispaniae*

narum praeferi debet in occurrentia Sanctis aliis Patronis Ecclesiarum particularium, dummodo non sint ejusdem, vel majoris dignitatis.

96. Aequae Sodalitates Patronum habent S. Thomam, S. Luciam, ac S. Josephum Sponsum B. M. V. Quaeritur: An quando praedicta Festa occurrunt in Dominicis privilegiatis Adventus, et Quadragesimae, attento concursu sodalium, aliorumque devotorum, possit cantari Missa de Patrono? Et an dicenda sit in Missa commemoratio Dominicae, et Octavae occurrentis cum ultimo Evangelio in fine Missae?

Ad 8. *In publicis Oratoriis cantari potest Missa de Titulari occurrente in Dominicis Adventus, Quadragesimae privilegiatis, non autem in illis exceptis, et in Missa dicenda est commemoratio Dominicae, et diei Octavae tantum occurrentis, cum Evangelio, ejusdem Dominicae in fine. Et ita declaravit, et servari mandavit. S. C. R. Die 8 Aprilis 1808.*

97. Additionis Nominis S. Joseph Sponsi B. M. V. in Canone Missae, instantibus pluribus ejusdem Sancti devotis S. R. C., ad relationem Emi. et Rmi. Domini Cardinalis Julii Maria de Somalia Praefecti, et Po-

nentis, respondit: *Negative quoad additionem nominis S. Josephi Sponsi B. M. V. in Canone. Consulendum vero SSmo. pro additione permissiva Nominis in Collecta A Cunctis. Die 16 Septembris 1815.*

Facta per me (scilicet Cardinalem S. C. R. Praefectum) relatione ad Sanctitatem Suam; Eadem benigne annuit. *Die 17 Septembris 1815.*

98. Cum, non obstantibus S. R. C. Decretis pluries editis, et signanter in una *Alexanen.* diei 7 Septembris 1658. [V. n^o 223] et *Dalmatiarum* die 4 Augusti 1663. quibus cavebatur, ne Hebdomadarii, Archipresbyteri, aliique uti possent Stola in canendis Divinis Officiis, sed tantum in Sacramentorum confectione, ed administratione, eidem S. C. innotuerit, hujusmodi abusum, et viguisse, et in praesens adhuc vigere penes Archipresbyteros, et Parochos Abbatiae Nuliius Farfen.

Eadem S. C., audita prius informatione Rmi. Abbatis, ad mei infrascripti S. R. C. Secretarii relationem, declaravit: *Stolam non esse adhibendam, praeterquam in collatione, et confectione Sacramentorum, ideoque consuetudinem in contrarium esse abusum per locorum Ordinarios omnino eliminandum. Die*

7 Septembris 1816. (¶)

99. An Antiphonae B. M. V., quae dicuntur stando à Vesperis Sabbati, dici etiam debeant stando in fine Laudum, si recitentur die Dominica ante occasum solis pro Feria secunda?

Ad 6. *Affirmative.*

100. An in Missis non Conventualibus, quae cantantur in diebus secundae classis sine Diacono, et Subdiacono, omitti debeat commemoratio simplicis?

Ad 10. *Affirmative.*

101. An in Missis privatis, permitti possit Ministro aperire Missale, et invenire Missam?

Ad 11. *Negative, et serventur Rubricae.*

102. An in iisdem Missis privatis, permitti possit Ministro, si fuerit Sacerdos, vel

(¶) *Stolam habet rationem indumenti sacri ac propterea nequit adhiberi, nisi conficiendis et administrandis sacramentalibus juxta Rubricam et Ritualis Romani dispositionem. Ideo nec episcopi stola utuntur nisi dum pontificalia aut sacerdotalia munia exercent, vel aliud praestant, quod servata forma libri caeremonialis stolae de-lationem exigat.*

Diaconus, sive Subdiaconus, ut praeparet Calicem, et ipsum extergat in fine post ablutiones, sicut in Missa solemnii?

Ad 12. *Negative, et serventur Rubricae.*

103. An in Missa solemnii permitti possint duo Missalia, unum in Cornu Epistolae, aliud in cornu Evangelii?

Ad 13. *Negative.*

104. An in Missa solemnii dici debeant submissa voce omnia verba ab *In Nomine Patris*, usque ad Introitum, insuperque, *Orate fratres: Sanctus: Nobis quoque peccatoribus: et Domine non sum dignus?* Quandoquidem Rubrica Cap. XXVI. ita praescribit: *alia quae in Missa privata dicuntur voce submissa.*

Ad 14. *Affirmative, dummodo intelligatur à Ministris.*

105. Cum Missae de Beatis celebrari possint tantum in illis Ecclesiis pro quibus concessum est Officium ipsorum, dubitatur: utrum Sacerdotes recitantes Officium de BB., sed celebrantes in Ecclesia, ubi fit de Sancto, possint dicere Missam Officii, vel teneantur se conformare Ecclesiae, in qua celebrant?

Ad 17. *Negative ad primam partem; Affirmative ad secundam.*

106. An Sacerdotes recitantes Officium

de Martyre, sed celebrantes in Ecclesia, ubi fit de Confessore, possint dicere Missam sui Officii, cum paramentis albis?

107. An teneantur dicere Missam juxta Officium Ecclesiae, in qua celebrant?

Ad 18. et 19. *Servetur decretum in Versavien. 7 Maii 1746. in respons. ad dub. 13. (V. n° 251.)*

108. An Sacerdos habens Officium ritus duplicis, sed celebrans in Ecclesia, in qua fit Officium de semidup., possit dicere Missam votivam?

Ad 20. *Negative.*

109. Utrum Oratio, praecepta à Superiore necessitatis publicae tempore, locum habeat in diebus primae, et secundae classis?

110. An praedicta Oratio dici debeat sub distincta conclusione?

Ad 22. et 23. *Si Oratio praecepta sit pro re gravi, dicenda erit in dup. 1. clas. sub unica conclusione; et in dup. secundae clas., sub sua conclusione; si non sit pro re gravi, omittenda in dup. 1. clas.; in dup. vero secundae clas., arbitrio Sacerdotis.*

111. An post Septuagesimam in Missa pro Virgine *Vultum tuum* dicto V. post Graduale, repeti nihilominus debeat in Tractu, vel prosequi *Quia concupivit &c?*

Ad 24. *In casu proposito V. Audi filia*

non esse repetendum.

112. An manus sinistra poni debeat super Missale ad Evangelium, cum dextera fit signum Crucis super ipsum?

Ad 25. *Affirmative.*

113. An purificatorium benedici debeat?

Ad 26. *Negative.*

114. An Sacerdos debeat extergere purificatorio guttas vini adhaerentes lateribus interioribus cuppae Calicis, quae aliquando resiliunt dum praeparatur ipsemet Calix?

Ad 28. *Praxim extergendi Calicem purificatorio magis congruere, et summpere laudabilem esse.*

115. An purificatorium poni debeat super pedem Calicis dum praeparatur, vel potius super Patenam?

Ad 29. *Relinqui posse Sacerdotis arbitrio.*

116. Utrum dici debeat *Credo* in Missis Rogationum, et vigiliae Nativitatis Domini, dum incidunt in diem Dominicam?

Ad 30. *In Missa Rogationum, Negative, in Missa Vigiliae Nativitatis Domini occurrentis in Dominica, Affirmative.*

117. An dicto officio de Beato beatificato tantum variare debeat in Oratione secreta verbum *Sanctus*, dicendo *Beatus*?

Ad 32. *Nihil immutandum, nisi in Sece-*

ta, in qua legendum sit proprium nomen Beati.

118. An Sacerdos dicere debeat *Te igitur* in principio Canonis, dum elevat manus, et oculos, vel incipere debeat dum est jam in profundo inclinatus?

Ad 33. *Servanda Rubrica de ritu servando in celebratione Missae tit. 8. num. 1., et altera Canonis praefixa.*

119. An debeat Sacerdos pronuncians in Canone Missae nomen alicujus Sancti, de quo factum est Officium, vel saltem commemoratio, facere inclinationem capitis?

Ad 34. *Affirmative.*

120. An Sacerdos ponere debeat manus intra corporalia, dum dicit Orationem *Supplices te rogamus*, et Orationes ante Communionem?

Ad 35. *Servandus esse Rubricas, quae jubent manus ponendas esse super Altare, non intra Corporale.*

121. An Sacerdos dicere debeat in Missa solemnem *Ite Missa est, Benedicamus Dño.* et *Requiescant in pace*, vel dicantur tantum à Diacono?

Ad 36. *Quoad Ite Missa est Negative; quoad Benedicamus Domino, et Requiescant in pace Affirmative.*

122. An die magni concursus ad Indulgentiam plenariam, vel Jubilaeum possit